

ODLUKU**O USLOVIMA I POSTUPKU PRIHVATANJA
POKROVITELJSTVA GRADA SARAJEVA****Član 1.**

Ovom odlukom uređuju se uslovi, postupak i način prihvatanja pokroviteljstva Grada Sarajeva (u daljnjem tekstu: Pokroviteljstvo), nad društvenim, naučnim, kulturnim, sportskim ili drugim manifestacijama, priredbama i skupovima od značaja za grad Sarajevo, kao oblika promovisanja njegovih interesa.

Član 2.

Grad Sarajevo može prihvatiti počasno Pokroviteljstvo, kao i Pokroviteljstvo finansijske prirode.

Gradonačelnik Grada Sarajeva donosi odluke o prihvatanju počasnog Pokroviteljstva.

Gradonačelnik Grada Sarajeva donosi odluke o prihvatanju Pokroviteljstva uz finansijske obaveze Grada Sarajeva do 25.000,00 KM.

Gradsko vijeće Grada Sarajeva donosi odluke o prihvatanju Pokroviteljstva uz finansijske obaveze Grada Sarajeva u iznosima većim od 25.000,00 KM.

Član 3.

Prijedlog, odnosno inicijativu za prihvatanje Pokroviteljstva iz člana 2. ove odluke, mogu podnijeti pravna i fizička lica - organizatori društvenih, naučnih, kulturnih, sportskih ili drugih manifestacija, priredbi i skupova, koje su od značaja za Grad Sarajevo.

Prijedlog, odnosno inicijativa, iz stava 1. ovog člana, dostavlja se gradonačelniku Grada Sarajeva, putem nadležne službe Gradske uprave Grada Sarajeva (u daljnjem tekstu: Služba), u pisanoj formi, sa svim potrebnim podacima o podnosiocu prijedloga, odnosno inicijative, te podacima o događaju (priredbi, manifestaciji) za koju se podnosi prijedlog, odnosno inicijativa, uz kompletnu dokumentaciju, sa obrazloženjem kojim se potkrepljuje zahtjev za prihvatanje Pokroviteljstva.

Član 4.

Podneseni prijedlog, odnosno inicijativu, iz člana 3. ove odluke, Služba procjenjuje sa stanovišta značaja za Grad Sarajevo, odnosno sa stanovišta promovisanja njegovih interesa, a u skladu sa Pravilnikom o kriterijima za prihvatanje Pokroviteljstva iz člana 1. Odluke (u daljnjem tekstu: Pravilnik), koji donosi gradonačelnik Grada Sarajeva.

Prijedlog, odnosno inicijativu, sa svojim stavovima i mišljenjima, Služba upućuje gradonačelniku Grada Sarajeva, na razmatranje i konačno odlučivanje, u slučajevima propisanim u članu 2. stav 3. ove odluke.

U slučajevima propisanim u članu 2. stav 4., ove odluke, prijedlog, odnosno inicijativu, gradonačelnik Grada Sarajeva, kao predlagač, dostavlja Gradskom vijeću Grada Sarajeva, na razmatranje i konačno odlučivanje.

Član 5.

O konačnoj odluci Gradskog vijeća, odnosno gradonačelnika, Služba obavještava podnosioca prijedloga, odnosno inicijative.

Član 6.

O realizaciji odluka, iz člana 2. ove odluke, brine gradonačelnik Grada Sarajeva, putem nadležnih službi Gradske uprave Grada Sarajeva i o tome redovno izvještava Gradsko vijeće Grada Sarajeva.

Sredstva za realizaciju Pokroviteljstva finansijske prirode, obezbjeđuju se u Budžetu Grada Sarajeva.

Član 7.

Gradonačelnik Grada Sarajeva dužan je, u roku od 30 dana od dana stupanja na snagu ove odluke, donijeti Pravilnik iz člana 4. stav 1. Odluke.

Član 8.

Izmjene i dopune Odluke vrše se na način i po postupku za njeno donošenje.

Član 9.

Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-271/06
31. januara 2006. godine
Sarajevo

Predsjedavajući
Gradskog vijeća
Marin Ivanišević, s. r.

Na osnovu člana 24. stav 1. tačka 2. Statuta Grada Sarajeva ("Službene novine Kantona Sarajevo", broj 12/98, 14/98 i 25/05), Gradsko vijeće Grada Sarajeva, na sjednici održanoj 31. januara 2006. godine, donosi

ODLUKU**O USLOVIMA I POSTUPKU ZA PODIZANJE,
IZMJESTANJE I PREMJEŠTANJE SPOMENIKA OD
ZNAČAJA ZA GRAD SARAJEVO****Član 1.**

Ovom Odlukom utvrđuje se nadležnost Grada Sarajeva, u smislu uslova i postupka za podizanje, izmještanje i premještanje spomenika od značaja za Grad Sarajevo (u daljnjem tekstu: Spomenici), realizacije prihvaćenih inicijativa, te načina čuvanja Spomenika, kao i zaštite i održavanja istih.

Član 2.

Spomenicima u smislu ove Odluke smatraju se: skulpture, biste, spomen-kompleksi, spomen-ploče, spomen-pokloni, spomen-česme, fontane, te slični objekti, obilježja i predmeti koji su svojim sadržajem, estetskim izgledom i funkcionalnošću namijenjeni, kako očuvanju uspomena na događaje i ličnosti, tako i estetskom uređenju Grada.

Član 3.

Grad Sarajevo može podizati Spomenike historijskim događajima i osobama od posebnog značaja za Grad Sarajevo, kao i Spomenike koji su namijenjeni estetskom uređenju Grada, o čemu odluke donosi Gradsko vijeće Grada Sarajeva.

Pod historijskim događajima od značaja za Grad Sarajevo podrazumijevaju se događaji koji su na poseban način obilježili blizu i dalju historiju i život Grada Sarajeva.

Pod osobama od posebnog značaja za Grad Sarajevo podrazumijevaju se osobe koje su svojim djelovanjem dale poseban doprinos razvoju i afirmaciji Grada Sarajeva, te očuvanju civilizacijskih vrijednosti, multietničnosti i posebnosti Grada Sarajeva.

Spomenici iz stava 1. ovog člana mogu se postavljati na objekte, zemljište i druge prostore na području Grada Sarajeva, u skladu sa ovom Odlukom i važećim zakonskim propisima.

Član 4.

Grad Sarajevo može izmještat i premještat Spomenike, iz člana 3. ove Odluke, u opravdanim slučajevima i situacijama, o čemu odlučuje Gradsko vijeće Grada Sarajeva, na način i po postupku za njihovo podizanje.

Pod izmještanjem Spomenika, u smislu ove Odluke, podrazumijeva se njihovo prebacivanje na potpuno drugo mjesto, odnosno u vizuelnom smislu, drugo okruženje, a pod premještanjem Spomenika, podrazumijeva se njihovo prebacivanje u istom okruženju u vizuelnom smislu.

Izmještanje i premještanje Spomenika, iz stava 1. ovog člana, vrši se u skladu sa ovom Odlukom i važećim zakonskim propisima.